

Eñjake KĀĀL



Jān Jessica Larsen

Pedped ionon juon bwebwenato emool

Estonia

“E wō juon aō menin leļok ettūņo!” *Emā* (Māma) eaar ba ke ej bōk Rasmus jān jikuul. Raar etetal ippān doon ilo iaļko raidik kōn mōko rekōļarļar.

“*Rosolje* nān kōjota?” Rasmus eaar kajidede kōjatdikdik. Ej kab mōj aer kar mōnā menin kar wiik eo ej jemļokļok nān raan in ļotak eo an kein kajiljilimjuon. Ak emaroņ ļapļok an mōnā beet-im-piteto ļalōt ippān pikol aolep iien.

Emā eaar kajepoluuli bōran kōn juon ettōņ dikdik. “Iaar ionon ruo jiroņ ro ilo baj eo kiiō jibboņ. Mijenede ro. Rej itok nān lotok joteen in nān kōnaan kōn kabuņ eo aer.”

Rasmus eaar ejjed lōņļok im lukkun konaan jeļā ta eo. Ejaņin kar ionon mijinede ro mōkta.

Eaar ikkure kōn tūrak eo āāņ ilo ruum eo an ke mijinede ro raar itok. “*Tere! Tere!* Iakwe!” raar iakiakwe *Emā*

ke rej delōņļok nan lowaan abatmen eo. Raar utūk juuj ko aer reddo im lukūt ilo jikin juuj ko *Emā* eaar kopooje nān rilotok ro. *Emā* eaar tōļļok er nān kauj wōran eo. Ak Rasmus eaar pād wōt ilo kōjem eo.

Lio eaitok eaar kile im ettōņ nāne. Pāāj kilmej eo an ej eaar ba Ōde Craig (Sister Craig). “Jinōm eaar ba nān kōm ke ej kab mootļok raan in ļotak eo aņ,” eaar ba. “Kōm kar boktok juon men nān kwe.” Eaar jibwe tok juon kaat edik. Rasmus eaar lukkuun kalimjōke.

Eaar pija in juon emņāan. Eaar kōņak juon libooro mouj, im pein eaar eļļok.

“Kwojeļā ke wōn in?” Ōde Craig eaar kajjitōk.

Rasmus eaar jab jeļā wōn emņāan eo. Ejaņin kar loe pija in mōktaļok. Bōtaab emņāan in eaar ainwōt ejouj im kajoor. “Ij ļōmņak ej juon kiiņ!” Rasmus eaar ba.

Mijenede ro jimōr raar ettōņ. “Aaet, E ej! E ej Kiiņ in kiiņ ran! Etan ej Jisōs Kraist.” Ōde Craig eaar kwaļoktok juon bok ebūļu kilin. “Im bok eņin ej juon bok me ej katakin kōn E, *Mormoni Raamat*. Bok in Mormon.”

E im *Emā* raar jino riiti Bok in Mormon eo aolep raan mōkta jān an etal nān jikuul. Ilo iien jikuul, Rasmus ej etetal im jenij nan nuknuk in kiki bwe en kiki jidik ilo alkin raelep. Ālkin jikuul, e im *Emā* rej ikutkut aer ionon mijinede ro. Raar kōnono ippān mijinede ro kōn ta eo raar riiti ilo Bok in Mormon. Jet iien *Emā* eaar najdik aolep *kringel*, bilawe jinamōņ pirōkrōk. Ilo wiikān ko e im *Emā* raar bajekōļ ak biknik ionon kappe. Jet iien raar etetal aitok ilo bukun wōjke ko ak tōrerein reba eo emņān tata ippāer.

Ilo juon iaan etetal kein ilo bukun wōjke ko, *Emā* eaar ba nān e ke ekōnaan peptaij. Rasmus eaar meidikdik. Mijinede ro raar kajjitōk ippān *Emā* en jar eļāņne ej peptaij ak jaab. Eaar ainwōt nēaar emōj an bōk uwaan eo an!

“Im ijeļā ia inaaj peptaij ie,” lio eaar ba nān e ilo an ettōņ. “Komaroņ ke kajidede?”

Rasmus eaar ļōmņak kōn katak ko an mijinede ro kōn peptaij. Raar kwaļok juon pija ej kwaļok Jisōs ippān Jon Ripeptaij ilo juon reba. . . .

“Reba eo!” eaar ba. “Reba en emņān tata arro.”



Juon wiik tok ālik, Rasmus ej jutak ilo tōrerein reba eo ippān mijinede ro im bar jet armej jān kabuņ eo. *Emā* eaar pojak nān peptaij. Eaar tulok aolepān ilo dān eo, ainwōt an kar Jisōs kōmņane. Ke eaar walōņtak, ej ettōņ dikdik. Rasmus eaar kōņaan keememej iien eo nān indeeo—dān eo ebūļu, wūt awia mouj ko ilo ujooj maroro, im an jinen ettōņ dikdik.

“Āinwōt kar ta eñjake eo ilo iien peptaij?” eaar kajjitōk tok ālik, ke aolep raar mōnā kukiiļ ko mijinede ro raar būktok.

“Aiboojoj,” lio ekar ba nān e. “Iaar kōņaan pād wōt ilo reba eo nān indeeo. Iaar eñjake an kanooj kāāl mour eo aō!” Eaar atbokwoje.

“Nān iien kemem eo tok juon aō, ikoņaan peptaij, ainwōt kwe im Jisōs,” eaar ba nān lio. “Ikōņaan bar eñjake an kāāl mour eo aō!” ●

Rijeje eo ej jokwe ilo Texas, USA.

